

天道昭彰六天道行貞固不散神妙體物困而能守漸得光明
賤而不苟漸得營生富者莫驕貴者莫淫懷刑者枷鎖不聞奉
佛者妖孽不侵正直者懲善可稱布施者錫福延生善哉善哉
懺悔虔誠酌水獻花誕登上清上至帝王下及庶民皆大懽喜
信愛奉行

關聖帝君寶懺終

履歷事實

帝君名羽字長生改字雲長蒲州解良人生於

漢桓帝景熹三年庚子五月十三日午時 靈帝中平元年甲

子二月桃園結義 獻帝初平二年辛未拜別部司馬加五

道藏輯要

關帝忠孝忠義經

五

星集九
川上

虎將軍後加前將軍 建安二十年乙未封盪寇將軍領荆

州牧二十四年己亥十二月卒於麥城年六十歲葬於湖廣

承天府當陽縣西漳鄉

唐高宗儀鳳元年玉泉山顯聖六祖惠能建寺立為伽藍

宋仁宗至和二年封崇甯真君 英宗治平五年加封義勇武

安王

明隆慶元年三月封義勇武安英濟王崇甯至道真君南極協

天顯威大帝當今

聖明天子欽念忠義醮聞 玉帝詔行天下於萬曆四十二年

甲寅加封三界伏魔大帝神威遠震天尊關聖帝君